

金

石

萃

編

金石萃編卷一百

賜進士出身 誥授光祿大夫刑部石侍郎加七級王利謨

唐 六十

王忠嗣碑

碑高一丈三尺三寸廣五尺九寸四寸
二行行九十字行書在渭南縣鄉賢祠

唐故朔方河東河西隴右節度御史大夫贈兵部尚書

太子太師清源公王府君神道碑銘 并序

銀青光祿大夫守中書侍郎同中書門下平章事集

賢殿崇文館大學士修國史潁川郡開國公元載撰

金紫光祿大夫門下侍郎同中書門下平章事 太

清太微宮使文崇禮館大學士上柱國齊國公王

縉書

太中大夫行少府少監集賢殿學士趙基篆額

慶宗再受命宅帝位三十有五載兵加幽都討平匈奴
大將軍載戈稅弓來朝獻功 天子勞旋告成廻

慮西戎迺制詔丞相御史咨小朔方河東節度支度探
訪使安北單于大都護御史大夫清源公王忠嗣統我
六師万口皆全磔裂單于封狼居山歸馬漠南列郡祁
連撫茲北荒厥功茂焉犬戎睚眦作虐西裔攘據石堡
渙獵青海皇天震怒以時致罪公拜稽首敢留

主誅猖狂先零國怨家讎建牙榆溪樹羽河源東綴飛
狐西蹙陽關本天下勁兵制緣邊万里徂長轂動雷駟
旌旄纒播干雲蔽地歛流沙而瞰烏弋岷崑崙而躡滌
汜方且繕完補缺勸穡戒車圖全遠近功盡敵非一戰
陳章立論別白甚明以孤特之姿失貴臣之意安祿山
保奸伺變忌公宿名李林甫居逼示專嫌公不附復營
平之奏沮樂毅之謀內隕外讒陰中交訕卒從吏議竟
羅大獄雖釗温肆爪牙之毒而哥舒有折檻之爭辯牙
門之至寃逢匡石之排妬黜守汚上沒于漢東涸我橫
海麟年終四十五羯胡得口并雲朔在禍幽燕縱鳴騎

於兩都投大艱於區宇悲夫父

龍顏之英主感

風雲之早契散禍於微圖堅在脆乾坤改施忠邪易地
謫放隳落離披困畏人之云亡邦國殒瘁狩皇

輿於巴蜀劫

宮廟於虵虺口倒持而授柄豈天

意與人事

今上撫軍用公舊校士留殘憤

將有餘惟謂諸葛之猶生走仲達而知懼及肅清東土
正位 北宸傷聞鼓鞞載感風烈追贈兵部尙書

太子太師邊吏增氣三軍激節蓋念功悼在國之任也
義明運誥神所勞也公本太原祁人六代祖仕後魏爲
青州刺史北齊爲白道鎮將五代祖隨周武帝入關署

馮翊掾因徙家于鄭今爲華陰人也皇考諱海賓九原
太守安撫朔方諸蕃部落兼豐安軍使開元二年七月
以騎士屯蕭關盛秋臨州牧禿髮舉卅萬衆東踰狄道
郭知運節制隴右委稼噉寇嬰城不動遂得踐圍西使
駟掠馬牛燿火照平涼羽書驚朔塞公召將校計事皆
曰衆寡不敵利病相懸濟河外之兵徵涼州之援公以
爲羌虜入盜吞噬腹心掃口口而西歸不崇朝而事去
方爲四夷恥終遺大漢羞職守封壘身爲障蔽辭難就
易進熟偷安而無後咎餘責者微諸公誰不樂此乃拔
勇簡材輕賚益馬有氣敢往不滿千人雷動颺移自辰

祖亥垂六百里突掩賊營縱番奇兵乘彼不意披猖受
戮橫潰宵馳終夜追奔遲明會食勦歸師於壕口殲用
獸於達毗秣輜之所殘戈矛之所斃積屍將崆峒倅厚
漂血與池河爭流氣盛忘銜撼之虞戰酣無存變之意
蒼黃顛仆落於戎手亦足以暴威武於天下憚洪稜於
鸞豹五十年間犬羊遺迹不敢規邊以取當咸皆失地
而遠客勲映古烈名垂壯籍初

憲宗省書

癸朝問故流悼偉其心而大其節哀其歿而念其忠褒
贈開府儀同三司安北大都護俾給事中倪若水乘駟
吊祭命許國公蘇頲爲之文以致意焉輕車介士鷹兒

屬將飾柩護喪封墳隴葬公之道閔年初九歲 詔復
朝散大夫尙輦奉御持令中貴扶入內殿意苦而羸形
絕地辭哀而迸血沾衣左右動容 上亦

歔歔因撫而謂曰此去病之孤吾當壯而將之萬戶侯
不足得也衣之以朱紱錫名曰忠嗣部曲主家後宮收
視每隨諸王問安否獨與 肅宗同卧起

至尊以子育儲后以兄事公亦唯專唯直不傾不
墮未嘗迂日孰云有過每歲 天子口戎整旅冬

狩秋田翼戀奉車越莽凌阡搭麟長楊掩兔黃山盤履
輕狡流離往還斫纍益奮搏捷無前出而有獲多不自

賢

上既知公有日磾之純固加李廣之材
氣義形於主確然秉志少而侍中慮不省事乃論守代
州別駕大同軍戎副于法大豪開門自斂賣功老將俯
伏聽令涼秋八月乘乾草腓方佯白登外馳突長城下
單戈指虜輕騎犯胡有向必摧能當輒破往往射鳴者
居公掌握中匈奴憚邊不敢拒口

肅宗口

上泣曰王忠嗣口材敢戰必恐亡之卽日
徵還守未央衛尉入侍之歲時方就冠

元獻皇

太后降家人之慈盛擇配之禮命之主饋恩情甚厚公
以警恥未雪激憤逾深每對案忘餐或獨居掩涕

魏宗雖欲大其伸而全其屈終亦觀其志而感
其衷俾以中郎將官從徐公蕭嵩出塞但使通知四夷
事飽習軍陣容不得先啟行無令當一隊且有後命虞
其天闕枕戈假寐如 詔三年及徐公將入覲京師改
轅張掖公□□以歸報願一甘心乃候月乘風卷旗鞭
馬精兵七百弩深入鬱標川遇贊普牙官踐更角武戈
挺山立介馬雲屯霧雨忽開旌旗相接將校失色猶欲
引馳公謂一足未移追射且盡無敢妄動觀吾破之乃
趨乘賁差當前皆廢吐蕃九將臨高整振公陷胷走腹
曲折迴旋取白馬於衆中捨大黃而益振肩倚膝踟躕

藉蹙圯螽軼機駭群擠亂墜提刀四顧如土委地網決
網漏逋誅久矣旣伐且吊當而勿喜芟夷之又蘊崇焉
係鼻之亦焚燎焉執訊獲醜何啻數千牽羊紫駒殆將
萬計擁戎州以入塞積京觀而徐廻幕府上功貳師奏
狀

上益歎息 詔令凱旋

天子御勤政樓親閱軍實太常稽憲度獎授執金吾

上亦多元戎因爲右丞相仍令圖寫置於座
隅自茲厥後恒當重任趙承先之敗於怒皆也隻輪不
返公度紫乾河虜其全部復失亡之車重杜希望之輯
鹽泉也戎侵宇下三師受擒公獨潰堅圍護經時之板

案信安王之臨遼碣也用武於盧龍塞朝鮮盛刊壘之
功口光乘之征駱駝峽也會援於李陵臺河朔受全軍
之惠初佐戎關隴分鎮河湟一之歲拔新城走莽布夷
烽壘燒積聚二之歲開九曲奪三橋梁洪河汧西海縱
雷鼓勇士厲指蹙振耀倂惶塞賚開元之末擁旌汾代
天寶之始兼統朔方獯鬻所離九姓橫叛大單于控弦
度漢聲言口附拔悉蜜引弓乘後剋口會師中使遽聞
帝思反蕩受降盡狄屈指猶遲亟矣急
裝
天書百下公以爲出壇之任得守便宜冒頓
北方之強未當屈折叛胡畏服大種不輕用兵勢闊言

甘可虞他變盛師臨木刺致餓出蘭山含垢并容兩存
口口全口口重閉壁堅營無名王大人到轅門受事絕
單車正馬報候吏前期防密慮周詐窮情見果穹廬桀
黠將侵鎬及方右地郵支已解仇交質幾欲圖成大禍
寧唯嚮化未醇於是設間以散其從肆謀以離其約二
虜不合遁口遠舍 天子使繡衣御史問後將軍

不念中國之費乘機之速其十畏懦優遊之故且陳支
解戎飄之謀苟事得其中如將軍素料又匈奴何時可
滅公儻對不羈之虜易以計破難以兵碎彼有乖離之
漸我知食利之戒威加幽荒武暢陰海口口歸德不二

三歲因白遐審未決之狀備列平戎一十八策璽書還
報從公所畫突厥前有畏漢之偏後有事讐之恐縮旬
遷徙散亡貧破遺罹家墮之患傍緣諭告之辟朝不及
夕以俛王師受言而去者什二三委藩而降者五千帳
明年秋引軍度磧定計乘虛至多羅斯壞巢焚聚涉汨
昆水下將降旗皆倒戟自殘與尸請命斬白眉可汗之
首傳置棠街繫葛督祿娑匍可敦獻於闕下阿波達干
持愛妾宵遁乘六羸突圍嘯聚東蕃迫脅小種立烏蘇
爲君長自尊任爲賢王保薩河口以據丁零古塞謂中
國有磧鹵之限官軍無可到之期按甲休徒擊鮮高會

思歸故地卒復大名間歲方暮嚴冬仲月公出白道誓
衆自單于北伐俾僕固懷恩阿布斯爲鄉導覘視井泉
命王思禮李光弼爲遊軍收羅服聽顧万里若俄頃過
山川如枕席豈百舍之敢休不再旬而履狄夜駢胡馬
暗合戎圍自丑至辰頭駢而縛乘無物故士蓄餘怒羈
虜全國永清朔土告類上帝薦功

皇祖三

代之盛獫狁孔熾方叔吉甫駢之而已勤霍倦衛蒙亦
終盤口口築怨糜漢償費雖張愿列三城衛公擒頡利
纓邊乘冰之勢但雪涇陽之恥則自命將已來肅將天
刑誅而不伐素定廟勝陣而不戰龍荒絕貴種大漠無

王庭恢武節而振天聲未有如公之比公始以馬邑鎮
軍守在代北外襟帶以自隘奔衝而蹙國河東乃城
大同於雲中徙清塞橫野張吾左翼朔方則并受降爲
振武築靜邊雲內直彼獯虜巨防周設崇墉万堵開陽
開陰拓跡爰土藏山掩陸磅礴固護西自五京東暨渙
陽南並陰山北臨大荒聯烽接守乘高倚要塞風揚沙
絕漠起鳥悉數於瞬息傳致於晷刻塵黃不得雜其象
秋毫無以逃其狀矧龔侵與牧馬敢凌遠而南向冰河
風牡車甲鱗萃誰何曩理千長百帥秦將矦於降虜漢
卒羈於戎騎公乃衡懸華夷勢分衆寡由中制外長御

遠駕恢我朔邊有如彼圖難於易又如此當秉鈞之顯
國也巧文傷詆網密事藁借公爲資動搖 國本

諷操危法言酷意誣雖丞相置辭猶驚獄吏而貫高長
者竟出吾王成公請居人無不恨方逆胡之地亂也意
并河東僞築雄武常山臨代飛狐扼塞制夷夏之凭撫
嶠函之背徵鄰請助邀公赴會將欲詭遇買歡冀得兵
留鎮察公先期應 詔未覩而退奏論本末之難指切
未然之戒危辭洩漏凶黨交害摘抉排折俾公終敗公
之始仕也自家移孝孤童被識策慮奮發義勇備億其
受任也厲三軍之氣同万夫之力致誅則百蠻竦振武

則暴強服支離約已盡悴事國嗚呼哀哉惟公明邁激
明信廉仁勇機敏神速內和外重處盛權不得以非理
撓臨大節不可以危亡動道將世迕器與時屯折衝馱
難之臣旅踵及身不淄不磷之堅挫於刀筆之前此慷
慨義烈之士所以掩泣而流漣矧我依仁受賜託姻逮
予守官秉策司勤運恒功在誠存理寃明沒河渭蒼口
古原左掌太華邪駝鴻門刊銘路隔庶慰精魂其詞曰
古人有言兵者凶器戰實危事三代爲將道家所忌得
非好勝樂殺欺降嗜利絕域到李杜卽悲起每原始而
要終吾固知其所以温温清源幼寤

聖君勇必

顧禮質而能文摧剛爲柔塞口解紛破虜忘口平戎讓
勳肅致天討義誅不順密謀神斷四回六奮火烈風掃
蓬馳電震捨服解網知成示信首膾歸堯三苗格舜有
守矜功謂之不克并埋木刊孰云非賊唯後將軍古訓
是式先計後戰貴和賤力哀勝不敢持全制極遭罹口
故頗僻反側蒼鷹厲吻雒鷲爭食顛倒靜邁汨陳白黑
威暴都賴功墮卽墨浩歌滄浪飲恨南國希仁聖之遐
暢兮亦管誅而蔡殛謂賢哲之悔亡兮顏與冉又不得
桓尊周而滅項猶存功而掩愆苟思人以愛樹將十世
而宥直如爲虜而報讐使口讓而失職顧汧城以流慟

投潘誅而太息賈生徒驚於紜纒北叟焉知其倚伏松
凋玉缺直岡貞蹶竟埋于將終碎明月宿草陳根蕪沒
蒼墳垂清風於頌石與終古而存存

大慶十年四月三日建

唐朔方河東河西隴右節度使清源公王忠嗣碑所
記事與史不甚異其文詞瑣冗無足多者縉于書稱

名家與李邕相伯仲

并州山人稿

忠嗣歿于天寶初碑立于大歷十年元載撰文王縉

書載忠嗣女夫縉王摩詰兄也

石壘
鐫華

清源不獨忠勇敢戰其策石堡料祿山皆深謀早見

非一將之議也獨爲林甫所惡陰使誣告明皇不察
論死非哥舒翰以官爵贖罪幾至不免然猶貶死史
稱工於謀國拙于身圖其然哉元載清源女夫也其
筆力庸冗固爾不言林甫排陷何也史稱忠嗣華州
鄭人碑稱華陰人碑壁州城西三十里赤水道南又
南高原卽其塚也余猶及布氈其下頗極穹窿追琢
之妙非今人可及側刻水獸尤奇異怪偉益令人遠
想唐人畫蹟不覺色飛萬歷間渭南崔令君邦亮忽
移置縣城之西道北不知何故

金石存

按忠嗣初名訓賜今名李林甫惡之陰使人誣告欲

奉太子帝怒付三法司鞠治應死哥舒翰請以官爵
代贖罪貶漢陽太守久之遷漢東郡年四十五而卒
碑多不詳忠嗣功在社稷知祿山有亂萌不免以讒
死史官惜之碑文宏麗其敘述處多與史合至云借
公爲資動搖國本成公謫居人無不恨以四語易史
傳數行微而顯矣

金石
後錄

王海賓戰死青海西元宗青孤於禁中恩隆寵渥千
載下爲之飲血况身受其賜者乎清源之不爲身謀
良有以也特元宗始厚而終薄始任賢而終信讒亦
始治而終亂然而社稷無隕唐祚再安用舊日之部

曲成光復之大功其一念誠懇夫固有八人探者矣

來齋金石
刻考畧

史稱忠嗣與皇甫惟明輕重不得貶東陽府左果毅
爲李林甫所惡貶漢陽太守碑皆不及之舊唐書敘
元載王縉官爵較詳亦無載封潁川郡公縉太微宮
使齊國公事是史碑兩失之可互証而兩得之者也
崇元館本崇元學天寶二載置大學士一人以宰相
爲之領兩京元元宮及天下道院攷嵩陽觀聖德感
應頌石臺孝經李林甫陳希烈等題名並同新史百
官志及縉本傳並稱爲崇賢館者誤

關中金
石記

按載封許昌縣子見於唐書本傳其進封潁川郡公
傳却失書王縉封齊國公新史亦未書也載以中書
相領集賢殿崇文館大學士縉以門下相領宏文崇
元館大學士史所謂宏文集賢分隸中書門下省也
崇文館置大學士則百官志所未詳吐蕃者南京禿
髮利祿孤之後音轉爲吐蕃故碑稱吐蕃爲禿髮

堂金石
文跋尾

舊書忠嗣太原郡人家于華州之鄭縣新唐書云忠
嗣華州鄭人今案碑五代祖隨周武帝八閩君馮翊
掾因徙家于鄭今爲華陰人所錄較詳于史而史特

就其占籍之始言之宜參之此碑爲據也紀功與史同然其文頗贍麗可喜蓋亦所謂當時體也碑僅磨泐數字細推皆可識唐石刻之幸完整無缺者如是碑亦不多見其爲後人取資多矣

按堂金石跋

按碑敘忠嗣先世但有六代祖五代祖述其由太原祁徙家華州鄭之由而不稱其諱下云皇考諱海賓而不及其高曾祖唐書宰相世系表太原王氏有大房二房皆無忠嗣名故其先世無攷父海賓舊唐書云爵太谷男碑不書

新傳亦無

兩傳皆云贈

左金吾大將軍碑作開府儀同三司安北大都護

舊傳又云開元十八年又贈安西大都護忠碑云
安北卽此也碑云元獻皇太后降家人之慈盛擇
配之禮命之主饋恩情甚厚元獻太后者元宗后
楊氏生肅宗及寧親公主其後寧親下嫁張說之
子均碑所謂擇配主饋之語所未詳也其餘碑敘
歷官戰功諸事蹟大較與兩傳合而文繁句冗意
爲辭掩讀之不易了了碑無堯年以舊傳攷之在
天寶八載其贈兵部尙書在寶應元年而碑立于
大歷十年則距其薨二十七年至撰書者元載王
縉其同居相位亦在寶應廣德之間則自撰書當

在其時書後又距十餘年而始立石也

真化寺尼如願墓誌

石高廣俱二尺二寸八分二十七行行二十八字蓋題唐國師故如願律師謚大正覺禪師誌銘十六字並正書

大唐真化寺多寶塔院故寺主臨壇大德尼如願律師墓誌銘并序

勅檢校千福寺法華道場沙門飛錫撰

隴西秦吳書

大觀十年歲次乙卯五月廿九日律師墓于長安真化寺之本院律師法諱如願俗姓李氏隴西人也申公之

奠簪裾之盛眞豈寶乎律師天生道牙自然神秀十一
詔度二十具圓弥沙塞律其所務也分旣之義不
殊折金之理斯在律師僅登十臘聲實兩高邀臨香壇
碎不見允望之儼然卽之温然其慧也月照千潭其操
也松寒萬嶺乃曰威儀三千吾鏡之矣度門八万復焉
在哉遂習以羅浮雙峰無生之觀位居元匠矣

我皇帝慕聖君臨千佛付囑

貴妃獨孤氏葛藟

德十亂世

時受道

紫宸登壇

黃屋因

賜律師紫架裝一副前後所錫錦綺綉帛凡數千疋以
旌其高瓌乎盈庭了無是相道何深也由此 勅書

墨篋 中使相望 御馬每下於 雲霄天花

屢點於玉砌締搆多寶塔繕寫蓮華經環廊綴組金剝
耀耀額題 御札光赫宇宙皆 吾君之特建亦

貴妃之爲 國宏哉噫律師擲鉢他方應遽還於

靜室散花上境何便住於香天顏自如生若在深定曲
肱右脇湛然已滅春秋七十六法夏五十六具以上聞

皇情憫焉中使臨吊賻贈之禮有加常等律師

累聖欽若三都取則意滌江海心閑虛空而今而後恐
難繼美於戲 六宮誰投其影寶八部孰示於衣珠

覺路醒而却迷人花茂而還落袈裟弟子長樂公主与

當院嗣法門人登壇十大德尼常真勅賜弟子證道政
定證果寺大德凝照惠照凝寂悟真資敬寺上座洪演
寺主孝因律師真一遠塵法雲寺律師遍照等凡數千
人則懿戚相門愛道花色而爲上首忽稟宗匠如觀鶴
林卽以其年七月十八日奉 勅法葬于長安城
南畢原塔之禮也素愔悽於道路丹旄慘於郊局式揚
國師敢爲銘曰
紫袈裟者彼何人已了如來清淨身登壇不向 明
光殿去去應超生死津

廣平程用之刻字

按銘云律師薨于長安真化寺師諱如願俗姓李

氏隴西人也申公之裔僧尼之化未有稱薨者此

如願為隴西人又為申公之裔必是宗室之女故

其化也稱薨以別之唐書宗室傳申公無考銘又云貴妃獨

孤氏葛覃蘊德十亂匡時葛覃作葛覃始借用字

獨孤氏為代宗貴妃大歷十年薨追冊為皇后諡

曰貞懿唐書后妃傳不詳獨孤氏之薨在何月此

銘則云律師薨于十年五月葬于七月而文稱獨

孤氏為貴妃可知獨孤氏之薨在七月以後矣銘

又云弟子長樂公主主為肅宗長女始封長樂徙

封宿國下嫁豆盧湛傳不云其師事如願也銘又云奉勅法葬于長安城南畢原長安志畢原在萬年縣西南二十八里法葬二字始見于此

裴遵慶碑

碑拓下截未全不知所缺幾字廣四尺四寸二十四行字數不計正書在洛陽

□□□□□光祿大夫□□□□□□□□□東郡
貞□□□□□□□□

朝議大夫□□□□□國史充禮□□□□□□
□□□國楊綰文

易坤之爲義臣道也君子履之文言曰直方大不習□

不利又曰陰雖有美含之以從王事然後以黃中通理
之道下終則受黃裳之吉矣安貞應地者其順矣乎公
□□□□□□□□□□□□在□為伯益若予上下
在周為非子下□□□□□字重□□□□□□□□因其
生也濟物之慶垂名□□□□□□□□□□河東著族
其後始大以至于大下達先考贈司空□□ 君重之
以明義虞□□公公少而□□□□□□□□□□□□
於近究末而必慎其初嘗□□□□足以盡□則□然矣
介是者君子之所□□□□□□為寶□□□□□□□
□□而不察解褐以門蔭授興寧陵下□□之功用刑者

必求其意□法者□極於文□□□□□疑□□□

□□□□□加徒沒辭□翻動文致於理下體□自

前帑□批案云才辯不足□人威力不□□□□

□□□□□省□□□□□別曹奪已□之下

□外□轉司勳吏部郎皆掌曹事前古宮省而久任中

代□□□□□鄉里之□□□□□掄材之

重專下□□□萌難□隱匿□環訛爲□結投刀不惑

應茲而□□自□□不自尊其□□問望已□於

公輔矣下內關□太守外□□中權□擾私欲□求

不給則□□貶守□□稱惜□□□□郎中

至德初闕賊庭將闕賀於朝闕拜給事中累遷尙書

右丞兵部戶部闕按吏部闕郎闕之後以擢闕

口之道闕而多端公鑒以闕下季除吏闕侍郎平章事

時寇戎未平闕國多務闕以數變生害穀以不通爲急

公闕敬闕之信不擅其利不闕則闕而闕溫雅

口浮詭闕矜伏諷諫見闕內懼闕爲

文闕惟左右近闕記削闕之疎數莫知其闕食一百

戶又追先闕之德寵贈正司闕勉焉公以季常賜

杖禮有懸車不矜闕守官之節固請闕

上難闕至闕太子少傅又以官制闕明選曹求舊還

除吏部尙書遷右僕射再□□□人願也公咏順積

中□下欲進之□及踐大任慄自喜之色當其未可審

其體而能安當其可蹈其□而不失每□安危故事興

替舊章論同下□極上列祭□實賦養不加厚謙以自

持酒醴之歡儉故能廣林泉之□□□□惠愛以合

親施舍以周給古之下以大饗十季拾月二十九日薨

於□季縣升平里之私弟以明季二月二十□日□□

于東都萬安山之舊塋 □諡曰□□公禮也

詔使□□箕容護喪卿大夫庶僚百吏追送于國門

之外生榮歿哀人理至矣有子太子下□踐德之□□

口抱口之口口口之義以文見託論譏口口口不口
其銘曰

天生萬物有筭有則人之秉彝好口口口空之天古
訓是式知口知口有嚴有翼慈善同慶敬口奉職五刑
恤口下口口是力口口口口自口口口口口口
其直是非口口口口口口口口盈虛與時消息口口口

口哀榮同域

下

右唐裴遵慶碑唐書列傳載遵慶所歷官甚簡畧以
碑考之其尤著者自吏部郎出爲濠陽太守貶符陽
郡徵拜禮部郎中而史不載肅宗朝拜給事中累遷

尚書右丞兵部戶部侍郎再授吏部而史但言爲吏部侍郎而已又史云遵慶薨時年九十餘碑云年八十五碑云遵慶諡貞孝而史無之皆其闕誤也

金石錄

寶刻類編有右僕射裴遵慶碑云楊綰撰盧曉隸書大歷十一年二月立在洛今碑缺年月及書撰人名知卽是也碑記遵慶歷官詳于本傳云以門蔭授興寧陵丞參遷大理丞外口轉司勳吏部郎丁內難去職免喪以太守外口至德初口口賊庭將趨行在故太尉清賀於朝遠拜給事中累遷尚書右丞兵部戶部口校吏部口郎黃門侍郎平章事就加金紫光祿

食一百戶口口太子少傅口口吏部尙書遷右僕射
并領口口云云皆與史不甚異遵慶有二子向會宰
相世系表云向吏部尙書會都官郎中

中州金石記

裴府君遵慶唐書列傳並取之此碑而載此君歷官
頗簡畧金石錄已指其疎然碑言轉司勳吏部郎又
遷兵部戶部侍郎傳並亦未之及趙氏旣摘言兵部
而戶部仍不爲傳文舉遺當更依碑爲據也碑于論
蕭克濟罪案云才辯不足聚人今傳以才辨作財賦
語太竄易恐失其實

授堂金石跋

按此碑拓旣不全而存者文多缺泐如金石錄所

稱自吏部郎出爲濛陽太守貶符陽郡徵拜禮部
郎中薨年八十五謚貞孝趙氏皆及見之而今書
泐矣碑前但有撰人楊綰而無書人恐亦泐也碑
題尙存貞字當卽是謚貞孝之貞字也唐書宰相
表及楊綰傳綰以大歷十二年遷太常卿充禮儀
使拜中書侍郎同中書門下平章事集賢殿崇文
館大學士兼修國史今碑於楊綰結銜但存朝議
大夫字卿字國史充禮字可据傳以補碑之缺也
新書裴遵慶傳云字少良此碑有字重二字似其
字上爲重字非少字然碑上下皆泐不足据也碑

不見其敘上世但云逮先考贈司空而不著其名
兩傳又不敘其父宰相世系表則遵慶之父諱倦
字翁喜杭州刺史河東縣男而不載贈司空碑云
批案云才辨不足口人威力不口口口据新傳舊傳

無云邊將蕭先濟督役苛暴役者有醜言有司以
大逆論遵慶曰財不足聚人力不足加衆焉能反
此傳語如是也而授堂辨之云今傳以才辨作財
賦語太竄易恐失其實不知授堂所据何本唐書
而以才辨作財賦也碑云食一百戶又追先口口
之德寵贈正司以口勉焉此敘其封邑及贈父司

空之事是時遵慶將告老則已官尙書右僕射何以祇食一百戶疑碑有訛泐也碑云薨于萬年縣升平里之私第長安志昇平坊西北隅有東宮藥圃尙書右僕射裴遵慶宅注引國史補曰遵慶罷相知選朝廷優其年德令就第注官自宣平坊勝引士子以及東市兩街時人以爲盛事此可補碑傳之所未及也

王履清碑

碑僅存上截連額高六尺六分廣三尺四寸二十三行每行字數無考正書篆額在高陵

唐故同朔方節度副使金紫光祿大夫試太常卿兼慈

州刺史汪府君神道碑

朝散大夫行河中府功曹叅軍上柱國賜魚袋上谷

侯冕撰

府君諱履清字履清京兆萬年人也王惟聖後系出田

宗下也五代祖立行工部郎中更靈夏襄潭等四府都

督封晉陽下早世考尚質歷原州叅軍事定遠城兵曹

叅軍贈金紫光祿大夫下藝尚德業脫畧諸子憲章五

經處吏事也能果斷居朋友也無忌下以桓文之勲伊

呂之重開建大府 邦家長城知其名而辟之下

中幽寧三遺營田等務致使後來難繼前政口慙豈止

充物當時苟

闕下

力寘夫恤弟疾篤割其股肉則所部靡

草上之風矣秋麥兩歧靈芝

闕下

旌別府君課効多此類

也以前後功累遷官凡十五任而至金紫光

闕下

汾陽王

以吉昌濁河上流邊郡善地戎州夷落易動難安永言

緝綏

闕下

帝可其奏仍乘傳走郡又敷異術載底吉祥猛

獸渡河而去境感我善

闕下

兩穗卿雲炳而五色瑞圖驟

披臺使攸屈於是歸禾之

詔藏在下

闕下

命賢愚同

歸以大慶十一年正月廿四日適疾不起薨于官舍之

正寢享

闕下

兄履堅朝散大夫守豐州長史弟履濟朝散

大夫守慈州別駕長子綸朝

闕下

葬合度以十二年二月

廿日還葬于高陵之奉正原禮也名成於代官達於下
匪敢愧詞迺爲銘曰

聖祀百世齊世其昌有媯之後言育于姜陳守不守命

氏惟王滔滔秦淮爲我下廿濟其美芬芳竹素跌宕杞

梓君家盛事不可勝紀 天步未清下上介部

有仁兄歧麥挺秀靈芝發生 邊郡近胡邑無完鄂荆

棘誰剪豺狼未駢下皇帝曰俞 下車幾何畏愛更作

允文允武爰究爰度畜牧新秦謳歌簿下竄孝子負土

嘉禾有畔吉凶同域生死一貫倏忽長逝嗚呼永歎

舊業還葬遠道下日羽葆秋煙一掩黃泉于萬億年

大熙十二年二月二十日建

太

按文云惟弟疾篤判其股肉是兄療弟疾而割股和藥也此事世不多見因拈出之

高力士殘碑

碑僅存上截連額高六尺四寸五分廣五尺三十行每行字數無攷行書額題大唐故開府儀同三司贈揚州大都督高公神道碑二十字篆書

唐故開府儀同三司兼內侍監

下闕

尚書駕部員外郎知制誥韓

下闕

初有適越者請觀南方之樂主人為之歌馮賓曰遠矣

闕下後衰而復起一飛冲天伯服有子不在外其爲中貴

乎不在闕下馮之先有自北而南者自宋懷化口業以至

於盜五嶺之表推口闕下子智戡爲高州刺史智戴爲恩

州刺史智口爲潘州刺史威有口闕下襲位象賢口禮主

祀守封且有舊口口口代祿使有口口口察口闕下天子

廣錫類之恩覽先賢之狀初贈潘州刺史又贈廣州大

都督闕下侍玉階則天矜其覆巢知必成器選內官

而母之命近侍以闕下窺大寶不利王室已成禍梯

顯宗口然提劍而起公寶勇口闕下卿宰臣因以決事中

立而不倚得君而不驕順而不諛諫而不犯闕下也公弱

口之日太夫人□□于南荒服遐陬晨昏問絕折菱之

教闕而至稱觴拜慶兄弟鴈行自闔傲而就養□城當

代罕有終堂之闕官卑乞廻所授 上允其請時議

稱多君子曰此所謂事親之闕車駕幸三山宮 天

子講藝呈材威戎夸狄有二鵬食鹿□□闕飲羽而片

雲徐下壯六軍而增氣呼萬歲以動天 英主愜心

闕而平之臨大事而有大功皆此類也□□□土內

口今朝散大闕首為監遷冠軍鎮軍輔國驃日大將軍

開府儀同三司封齊國公闕使歷官□任五十餘年從

蒙塵□□□□歸長安一心貫闕可得而聞□

上□初□□請□□□□□□□□之心常在 魏闕下

□州龍興寺享年七十有□□□□□□□□喪至於滅性斬

□之痛何下陪葬 泰陵□□□□□□□□□□日安

厝成其志也夫人呂氏下而不遷嗣子□□□□前將

□□□南海郡開國公□悅禮謂猶□下旅有加□□

□□□□貞□□文用紀□陵之側 大君□命□

下

惟公之□南 □□□□□□家傳擁旌有馮之後遂

育于高 惟下惟公之□出入 □□□□□事 階

陞日□歷載五紀□□ □下惟公之□達于□□

□□万里自越阻京爰及風樹□其哀榮 惟公下勲

會合風雲□□□□□□□□紛一麾而□克定□□

惟公之節□□下 二聖晏駕□□□□哀而遂

□□□黃□ 惟公之葬 泰下

大歷十二年歲次丁巳五月辛亥朔十一日辛酉奉

勅□

右內侍監高力士碑石已中斷失其下截每行止存

二十餘字文稱馮益子智戣為高州刺史智戴為恩

州刺史智望為潘州刺史攷唐書益傳惟有智戴及

智彧無智戣智望亦不云智戴為恩州刺史皆其漏

畧也史稱寶應元年力士自巫州赦還見二帝遺詔
北向哭歐血而卒不云卒於何所此碑云朔州龍興
寺蓋其卒之地也

潛研堂金石文跋尾

碑載力士蒞官遷冠軍鎮軍輔國驍騎大將軍舊唐
書本傳不紀鎮軍輔國唐書但云累驍騎大將軍皆
于文為畧力士幼與母相失唐書云嶺南節度使得
之瀧州汝古關本作瀧州舊唐書云嶺南節度使于瀧州求
其本母麥氏送長安兩地微異考力士既為瀧州人
則母先失而後歸土嶺南節度訪而得之亦或然也
舊唐書寶應元年三月會赦歸至朗州遇流人言京

國事始知上皇厭代力士北望號慟嘔血而卒蓋哀
隕卽在朗州矣碑云墓于朗州龍興寺較史更爲詳

實

授堂金
石跋

按碑云口窺大寶不利王室已成禍梯元宗口然
提劍而起公實勇口此卽傳稱先天中預誅蕭岑
等事唐書元宗紀開元元年七月太平公主及岑
義蕭至忠竇懷貞謀反伏誅傳稱力士以功超拜
銀青光祿大夫行內侍同正員碑載車駕幸三山
宮有二鵬食鹿又云飲羽而片雲徐下壯六軍而
增氣呼萬歲以動天此似從幸狩獵等事而兩傳

皆不書碑文又泐不能得其詳也碑云夫人呂氏

舊傳載開元初濠州

新傳作河間

呂元晤作吏京師女

有姿色力士娶之爲婦碑又云嗣子□□□□前將□□□南海郡開國公□悅禮此是力士之嗣子名悅禮爵南海郡公者兩傳亦不載舊傳稱力士卒于寶應元年二月銘詞有二聖晏駕之語二聖謂元宗肅宗也碑立于大歷十二年距其卒十六年蓋代宗時追念其保護先朝之功贈官陪陵而表其墓也

季元靖先生碑

碑已斷裂約高一丈餘廣三尺二寸五分厚 尺四分
分四面刻前後各十九行兩側各四行行皆三十九
字正書在句容
縣茅山玉晨觀
有唐茅山元靖先生
廣陵李君碑銘 并序

金紫光祿大夫行湖州刺史上柱國 魯郡開國公顏

真卿撰并書

先生姓李 氏諱含光 廣陵江都人本姓璽 以 孝

敬 皇帝廟諱 改焉廿一代祖宏 江夏太守避 王莽徙居

晉陵遂為 郡人高祖文疑陳 桂陽王 國侍郎曾祖榮

皇朝雷州司馬祖師 龕 隱居以求其 志徙于江都父

孝 威博學好古雅 修彭聃之道 与天台司馬練師 子微

爲方外之交 尤以篤慎著 于州里考行議 謹曰正隱先

生母琅邪 王氏賢明 有德行先生 孩提則有殊異 昨曰

獨取孝經如捧讀焉 爵 非好靜處 誦習墳 典季十八志

求道妙遂 師事同 邑李先 生遊 藝數 季神龍初以清行

度爲道士居龍 興觀尤精老莊周 易之 深趣執 卷過 哀

口不啻甘旨之味 食唯 糲麥 而已封植膳羞皆出其手

號毀骨 立親族莫不傷之 開元十七季從司馬 練師於

王屋山 傳受大 法靈文 金記一覽 無遺綜聚古今該明

與旨 元宗 知先生 信得子微之道乃 認先

生居王屋山陽 臺觀以繼 之歲餘請居茅山築 修經法

頻徵皆謝病不出天竇四載冬乃命中官賚聖書徵之

既至延入禁中每欲諮稟必先齋沐他日請傳道法先

生辭以足疾不任科儀者數焉聖宗知不可強

而止先生嘗以茅山靈跡剪焉將墜負經祕錄亦多散

落請歸修葺乃特詔於楊許舊居紫陽以宅之仍

賜絹二百足法衣兩副香鑪二具御製詩及序以

餞之又禁於山側採捕漁獵食葷者不得輒入公私

祈禱咸絕牲牢先生以六載秋到山是歲詔書三

至渥澤頻繁輝映崖谷初山中有上清真人許長史揚

君陶隱居自寫經法歷代傳寶時遭寇亂散逸無遺先

生奉

詔按求

悉備其跡

而進上之先時

禮

宗將求

大法請

先生為師先生竟執謙

冲疾辭而還泉

七載春

元宗

又欲受三洞真經以其

春之二月

中官齋

璽書云其月十八日剋受經詰是日於

大同殿

繫修其事

遂遙請

先生

為元師并賜衣一襲以申師資

之禮因以璽靖為先生

之嘉號焉仍

詔刻石

於華

陽洞古以志之

是歲夏

五月隱居先生合丹之

所有芝

草八十一莖

散生於松石之間

詔俾

先生與中官

啟告靈

仙緘封

表進夏又

詔以

紫陽觀側近二百

戶

太平崇元兩觀各一百戶

蠲其官備以供香火

秋

七月 又徵先生既至請居道觀以養疾九載春餅歸舊

山其季夏六月前生靈芝之所又產三百餘莖煌煌秀

異人所莫觀先生又圖而奏之是歲冬又徵先生於紫

庭別院館之十載秋先生又懇詞告老御製序詩

以錢之十有一載先生奉詔與門人韋景昭等於

紫陽之東嶽岡山別建齋院立心誠肅是夜仙壇林間

通生甘露因以上聞特詔嘉異初隱居先生以三

洞真法傳昇元先生昇元付體元先生體元付正一先

生正一付先生自先生炬于隱居凡五葉矣皆摠叢妙

門大正真法所以茅山為天下道學之所宗矣於戲是

非可齊也物也我均焉生死可忘也也覺夢同焉如此者何

域心於變化之際哉先生以大隱已酉歲冬十一月十

有四日遁化於茅山紫陽之別院春秋八十有七其十

二月八日門人赴壑而至者凡數千人號奉冠舄遷空

于雷平山之西陲遺命以松棺竹杖木几水瓶香奩香

鑪置於藏內門弟子等仰奉嘉猷克遵儉德先生識也

真淳業行高古道窮情性之本學冠天人之際所以優

游可曲鬱為王者之師出入肩明庭特寵肩與之貴

是知順風而問咎稱於黃帝望山而請今見於

學宗矣又博覽羣言長於著撰嘗以本草之書精明藥

物事關性命難用因循著音義兩卷又以老莊周易為

索靜之書著學記義略各三篇內學記二篇以續仙家

之遺事皆名實無違詞旨該博初先生幼季頗工築籀

而篆書尤妙客或賞之云賢於其父因投筆不書

一 應宗詔山人王啟強請先生楷書上經一十三紙以

補楊許之闕先生能於陰陽數術之道而不以藝業為

能極於轉練服食之事而不以壽養為極但其懷素朴

妙味元津非夫博大之至人孰能盡於此真卿乾元二

季以昇州刺史充浙江西節度欽承至德結慕靈微遂

專使致書於茅山以抒誠懇先生特令韋練師景昭復

書於真卿恩卷

綱繆足勵超然之志然宗師可仰望紫

府而非遙王事不遑寄白雲而攸

遠泉大鑿六年真卿

罷刺臨

川旋舟建業將宅心小嶺長庇高踞而轉刺吳

興事乖風願徘徊郡邑空懷尊道之心瞻望林巒永負

借山之記而景昭泉郭閱等以先生茂烈芳猷願銘金

石乃邀道士劉明素來託斯文真卿与先生門人中林

子殷淵遺名韋渠年嘗接采真之遊緒聞舍一之德敢

強名於巷黨曷足辨於鴻蒙其詞曰

抱一混茫人之紀綱先生以之氣王神強乃啟元旨元

門以彰乃為帝師帝道惟康甘露呈瑞靈芝効麻上士

云感

高風載揚

鶴返仙廟雲辭帝

邦遐歸而老妙

識行

藏德本無累道

心有常寔曰形解孰

云坐忘伐石表墓

墓

勒銘傳

芳谷變陵遷厥跡弥光

大應十二

季夏五月建

渤海

吳崇休

鐫

紹興丁巳五月十有四日大風折顏碑霄溪沈作舟
扶起之

魯公好仙術不特書麻姑壇已也按李含光者陶隱

居裔凡五世其事絕無可紀獨人謂其隸法勝乃父

遂斷不作繇差近厚耳

兪州山人稿

茅山元靜先生碑一顏魯公楷書并文一唐柳識文

張從中書李陽冰篆額世號三絕碑俱在直隸應天

府句容縣茅山考樂餘事

碑稱隱居先生以三洞真法傳升元先生升元付體

元先生體元付正一先生正一付先生自先生距隱

居凡五葉矣今考之隱居先生者梁陶宏景升元為

王遠知體元為潘師正正一為司馬子微三人唐書

有傳惟元靖無之子嘗遊茅山至玉晨觀其前有雷

平池池南為伏龍岡元靖葬其上碑今在觀中四周

皆刻文字道士以亭覆之金薤琳瑯

予嘗遊茅山過雷平池登伏龍岡弔先生墓慨然有

遺世之想碑中所謂靈芝甘露固不可復得卽鬱岡

山齋壇仙院亦改舊觀惟穹碑屹峙聲施至今

金石後錄

魯公以大歷六年罷判撫州七年九月至東京除湖州刺史十二年爲此碑於時年六十有九先是乾元二年由昇州刺史充浙西節度使兼江寧軍使致書元靜與之締交越十年而元靜死又八年而公爲之作碑留元剗年譜系碑於大歷八年誤也是年春三月元載伏誅召公爲刑部尙書而此碑書於五月猶稱湖州刺史當由刑部尙書之命猶在五月後耳原碑斷於宋紹興七年丁巳不知何時毀去今茅山

所有碑乃是覆刻筆畫細瘦全乏魯公雄健之氣且
字之訛者七十餘處而原碑不可復得矣

虛舟
題跋

乾隆壬子秋錢辛楣先生語予云向游茅山至玉晨
觀訪顏魯公書元靖先生碑已糜碎尚存二十餘片
道士不知寶愛委諸糞土瓦礫之場恐妙蹟不復留
人間矣前出游山記示予予竊惟辛楣以訪碑出游
隨處表章舊蹟而茲復向予諄諄者蓋以拾殘補缺
爲守土者責也予公冗不暇入山札句容縣學兩廣
文徐君彬俞君獻搜尋殘碑督工椎搗越月來報言
此石見存觀中者半屬疊床支竈砌地鋪階及附近

居民家供在書案者檢來共得二十三片當運至學
舍藏貯但四面刻字難以架空磊豎並郵到搨本六
十紙計存一千四十餘字經辛楣詳加考訂其完全
之字僅得七百六十有六其殘缺者正面三百六十
一字右側八十六字背面三百三十三字左側五十
九字計共殘缺字八百三十有九以硃書補注之適
賈人挾此碑宋搨本至其文字與辛楣考訂無異而
神采尤爲煥發予且喜且驚豈知予相需之殷來索
重價耶抑魯公之靈默然相之耶乃償賈人直付姚
東樵以缺字鈎勒上石期成完璧又恐膠合以還舊

觀日久仍不免有摧裂之虞今仍於玉晨觀中築石
 臺兩行將殘碑及補石分別大者為一行小者為一
 行排置臺上其兩行之頂亦砌石覆蓋俾免散失又
 以文字顛倒另縮小字勒碑於旁以為後人敘次之
 據復建石亭以覆之爰借僚友捐廉以襄其事茲因
 工竣而為之記

汪志
伊記

按碑在茅山玉晨觀雲笈七籤紀洞天福地第八
 曰句曲山洞周迴一百五十里名曰金壇華陽之
 洞天在潤州句容縣屬紫陽真人治之江寧府志
 茅山在句容縣東南四十五里初名句曲山又名

巴山皆以形似名吳越春秋禹巡天下登茅山以
朝諸侯更名爲會稽茅山記秦始皇三十七年遊
會稽還登句曲今茅山北垂有良常秦望諸山以
始皇名也漢有三茅君得道於此因謂之三茅峯
梁陶宏景亦隱居此山道書以爲第八洞天第一
福地唐六典江南道各山之一曰茅山山以三茅
君得名漢茅盈元帝時隱句曲山學道遇至人授
以仙術盈弟衷爲西河太守固爲執金吾各棄官
來就兄皆得道世稱三茅君者是也玉晨觀在大
茅峯下舊傳高辛氏時展上公于此得仙其後周

有郭真人巴陵侯漢有杜廣平東晉有楊真人許
長史梁有陶宏景唐有李元靜南唐有王貞素俱
在此得道梁爲朱陽觀唐太宗時爲華陽觀明皇
時爲紫陽觀宋祥符初改今額王圻續文獻通考
仙釋考道家姓氏不載李含光歷代道家統紀惟
載天寶六載五月詔茅山紫陽觀取側近百戶太
平崇元二觀各一百戶並蠲免租稅差科永充修
葺洒掃語與碑所載合但據碑則紫陽觀側近是
二百戶續通考疑脫二字也其餘碑文所載俱無
攷碑敘元靖先世二十一代祖宏不見於漢書高

祖文巖陳桂陽王國侍郎文巖陳書無傳桂陽王
者陳書列傳諱伯謀字深之世祖第十三子也太
建中立爲桂陽王七年爲明威將軍置佐史所謂
王國侍郎者蓋卽佐史之屬也碑云先生以大歷
己酉歲遁化己酉爲大歷四年道家辭世謂之遁
化始見于此碑稱元靖各種著撰惟本草音義二
卷新唐書藝文志著錄餘如老莊周易學記義畧
諸篇皆不載碑云先生工篆籀隸書客云賢于其
父因投筆不書是其父孝威亦能書也今檢書譜
無其名碑云真卿乾元二年以昇州刺史充浙江

西節度唐官稱無浙江西節度据唐書顏真卿傳
是浙江西道節度使此碑舊文原是充浙西節度
充字上泐一字殆亦碑賈宋搨本見有關字因於
浙字下妄增江字耳